



書集

4曾4
515
48

十一



四信  
515  
48

書蕉上卷



勿勿非勿勿

華亭 陳繼儒

撰



顏氏家訓云勿勿非忽忽亦非勿勿說文云勿  
州里所建之旗以趣民事者凡息遽遽狀皆稱  
勿勿祭義云勿勿諸其欲饗之也勿勿猶勉勉  
也杜樊川有詩云浮生長勿勿王虞帖云臣故  
患凶滿氣上頓之勿勿皆此意

胎卵二族

至正時史官熊太古經上都過鵬窠站站吏指  
站後山上一穴云往年鵬窠其中生三卵一為  
犬一為蛇心切疑之後於脫脫丞相家見一犬  
坐客咸指此犬為鵬窠所生則知向者所聞不  
為異也

相馬

相馬經云馬生下墮地無毛行千里尿舉一脚

行五百里蘭筋豎者千里馬膝如團趨千里馬  
一歲上下齒二十四歲齒黃三十二歲齒落不  
復出

花刑

俗以開花風為花鞦韆潤花雨為花沐浴至花  
老風雨斷送蓋花刑耳

楊用修

俗有規楊用修者楊荅書云文有仗境生情詩

或託物起興如崔延伯每臨陣則召田僧超爲壯士歌宋子景修史使麗豎斃椽燭吳元中起草令遠山磨踰糜是或一道也走豈能執鞭古人聊以耗壯心遣餘年所謂老顛欲裂風景者良亦有以不知我者不可聞此言知我者不可不聞此言

穎慧

人有穎慧似由于學問似不由于學問者如介

芎盧解獸語公冶長及侯瑾字子瑜並解鳥語李南解馬語詹何聞牛鳴知牛黑白沈僧昭聽南山虎嘯云國有邊事當選人下荀勗食飯而知炊者之爲勞薪乃故車軸脚也符朗食雞而知其栖之恒半露

青嵐帚

陳陶詠竹詩青嵐帚亞思君祖綠潤偏多憶蔡邕注陳張君祖竹賦青嵐運帚碧空掃烟蔡邕

竹簣綠潤碧鮮甜文紫錢

玉米田

歸州有玉米田屈原耕此產白米似玉屈原耕田人多不知

臙脂虎

陸慎言沉慘狡妬吏民語曰臙脂虎

鹿簣

唐李郢詩薄雪燕翁紫燕釵釵垂鹿簣抱香懷

鹿簣下垂之貌又作麗簣

禹穴

后泉縣石紐村大禹生此石穴杳深人跡不到近世掘地得古碑有禹穴二字乃李白所書乃知會稽禹穴之誤

賈島詩

賈詩長江風送客孤館雨留人三句為平生之冠全集不載坡詩注引用之

山獠

西方深山中有人焉其長尺餘袒身捕鰕蟹性不畏人見人止宿喜依其火以炙鰕蟹伺人不托而盜人監以食蟹名曰山獠其音自叫人常以竹箸火中焯焯音朴而山獠皆驚犯之令人寒熱

見生樹生

呂氏春秋五時見生而樹生見死而獲死言候

君沽酒市雲藏李白讀書山是也後竟終于採石病革猶以詩草託友人捉月之說流傳誤矣

蘇綽服制

後周皇帝后服制受繭則服鷲衣聽女教則服鶉音單衣歸寧則服鶉音秩衣蓋蘇綽所制而鶉鶉亦惟此見之

精鑿粹

舂米一石得四斗日精得三斗日鑿得四斗曰

粹

流蘇

五彩同心而下垂者曰流蘇晉書割流蘇為馬  
幟皆後世幃帳間所懸耳蓋古者樂器之節而  
後世用為幃帳之飾自晉以後始也

餐玉法

李預羨古人餐玉法乃採訪藍田得若環碧雜  
器形者大小百餘皆光潤可玩預乃椎七十枚

為屑食之經年云有效驗及死體色不變其妻  
以玉珠二枚含之口閉謂曰君自云餐玉有神  
驗何不受含言訖齒啓納珠因噓其口都無穢  
氣

越紐

越絕書後篇隱語云以去為姓得衣乃成謂袁也  
又曰厥姓有口承之以天吳論衡按書篇云臨  
安袁太伯袁文術會稽吳君高豈即其人乎又

書傳 卷一  
曰高君之越紐書絕與紐相近疑卽越絕字

萬歲夜

姚寬注戰國策楚王遊雲夢謂安陵君曰樂矣今日之遊千秋萬歲後誰與樂此矣安陵君泣下數行曰萬歲夜願以身試黃泉夜如左傳注窀穸厚夜之夜最見人臣不敢斥言之意今本改夜作後不見古人立言之妙

摘瓜手

唐太宗瀛洲十八人許敬宗乃得與如摘瓜手耳取之既多其中不容無濫

滅明

李龍眠所畫七十二弟子像滅明猛毅甚于子路則夫子所謂失之子羽者謂其貌武行儒耳又按渡河投壁斬蛟則勇又不下季路也

讀書

董仲舒讀書三年不窺園法真趙里皆歷年桓



榮十五年何休十七年

醒酒石

李文饒平泉草木記以吾平泉一草一木與人者非吾子孫也後讀五代史至張全義監軍與其孫延古爭醒酒石全義殺之延古守祖戒因以殺身亦何足貴焉

苦樂龍

福龍優樂過逾於人薄福諸龍日苦熱沙搏身

為諸小蟲之所啖食又如人間畜生驅策鞭打擔輕負重馳騁走使不得自在

外國乞文

梁使臣至吐谷渾見牀頭數卷乃劉孝標集大曆中秋羅國上書請以蕭夫子穎為師元和中雞林賈人鬻元白詩云東國宰相以百金易一篇偽者輒能辨元豐中契丹使人俱能誦蘇子瞻文洪武中日本安南俱上章以金幣乞宋景

濂碑文嘉靖初朝鮮上言願頒示關西呂某文  
以為式所謂一解不如一解

山

東坡歌云青山偃蹇如高人常時不肯入官府  
高人自與山有素不待招邀滿庭戶太白歌云  
猶人張網置不能挂龍虎所以青雲人高歌在  
巖戶

枳椇子

枳椇子美如飴能令酒味薄若以其木為屋柱  
屋中酒俱薄

相思子

相思子有蔓生者與龍腦相宜能令香不耗搜  
神記云韓朋墓木也

禽經

禽經云風翔則風風鳶類也雨舞則雨雨商羊  
也霜飛則霜霜鷓鴣也露翫則露露鶴也四名

甚奇又以肫識風以鼃識雨肫江豬也鵲知風  
螿知雨

鳥有知

陳所斂云鷓鴣能勅水故水宿之物莫能害啄  
木遇蠹穴能以嘴畫字成符蠹魚自出鴉有隱  
巢故鷺鳥莫能見燕銜泥常避戍已故巢不傾  
鶴有長水石能于巢中養魚而水不涸燕惡艾  
雀欲奪其巢即銜艾置巢中燕遂避去此皆鳥

之有智者也

九福

天下有九福京師錢福眼福屏帷福吳越口福  
洛陽花福蜀川藥福秦隴案馬福燕趙衣裳福  
美女福

刀筆銘槧

上古結繩而治二帝以來始有簡策以竹爲之  
而書以漆或用版以鉛畫之故有刀筆鉛槧之

荒朝

陳情表有少仕偽朝之句責備者謂篤于孝而妨于忠嘗見佛書引此文偽朝作荒朝蓋密之初文也偽字蓋史改之以入史耳劉靜修詩若將文字論心術恐有無邊受屈人指此類耳近世趙弘道作令伯祠記辨偽朝字惜未見此

平楚

農也見生樹生謂望香敦耕瞻蒲勸穡也見死稔死謂靡草死而麥秋至草木黃落禾乃登也

浮丘

羅浮記云浮丘即羅山朱明之門戶先在水中若浮丘然四面篙痕宛然宋初有陳崇藝者年百二十歲自言兒時見山根有船數十今去海已四里矣

鹽

海鹽凡六路池則陝西解州解與安邑兩池并  
則川陝四路胡中出於木石色青白紅紫黑皆  
有東方曰斥西方曰鹽河內曰鹹王滷傳甜者  
曰餘

蝦蟆

蝦蟆百粵以為上味疥者皮最佳云不可脫并  
此錦襖子

五漏

夜漏五五相遞為二十五唐李郢詩云二十五  
聲秋點長是也至宋世國祚長短識有寒在五  
更頭之忌宮掖及州縣更漏皆去五更後二點  
又并初更去其二以配之首尾止二十一豈非  
古也今猶沿之

御史灘

灘在嵩縣前臨大溪每僚佐有入臺者即水中  
灘出唐牛僧孺為縣尉忽報灘出左右曰若是

西臺當有鴻鵠一雙未幾雙鴻鵠飛下僧孺果  
拜西臺客有舉此事者余曰灘是驗其官耳若  
奇章入西臺當以鷓臬應之坐客皆笑

護門草

王筠寓直詩霜披守宮槐風驚護門草特類志  
曰護門草出常山取寘戶下或有過其門者草  
必叱之一名百靈草

扶竹

武林山西舊有雙竹院中所產脩篁嫩篠皆對  
抽並亂王子敬竹譜所謂扶竹譬猶海上之桑  
兩兩相比謂之扶桑也

君遷樹

文選蜀都賦平仲君遷皆木名註缺按司馬溫  
公名苑云君遷子如馬妳俗云牛妳柿是也今  
之造扇用此柿油

可補選註

籬

篆文二鳥曰𪗇三鳥曰𪗈音戢三鳥相聚其音  
戢戢也

白鳥

水經注江陵古岸有李姥浦浦中偏無蚊蚋之  
患梁元帝金樓子云荊州高齋夏月無白鳥余  
亟寢處其中及移他齋則蚊聲如雷數丈之間  
如此之異白鳥蚊也

庾杲之

杲之清貧自勵王儉領吏部用爲長史蕭綸遺  
儉書曰庾景行泛綠水依芙蓉何其麗也時人  
以儉府爲蓮花池故云其用事僻逸可

玄的

釋名云天子諸侯姬妾以次進御有月事更不  
口說以冊注面的爲識令女史見之王粲神女  
賦脫桂棠免簪笄施玄的結羽釵卽釋名所云  
也玄的蕪文類聚作華的

蕭子雲

晉陵蕭子雲正隸初學大令晚摹鍾太常子雲  
出麾東陽百濟國使人望舟落膝正書停舟書  
三日而去

金枷

唐吐蕃作金枷欲必得渾城

輕容

齊東野語云紗之至輕薄者曰輕容卽今之銀

條紗類也王建宮詞嫌羅不着愛輕容李賀詩  
蜀烟飛重錦峽雨測輕容是也

刺閨

梁戴嵩從軍行云長安夜刺閨夜有急投刺於  
宮門

木偶

王弼注易刻木偶爲鄭玄象見其所誤輒呵叱  
之



李陽冰

陽冰字少溫見于宣和書譜或以為陽冰即李潮之字

李白

杜子美詩汝與東山李白好蓋白嘗客遊以聲妓自隨效安石風流自號東山李白故杜云然世作大明一統志遂以白入東山人物考而引杜詩為証甚陋

太白生于蜀之昌明縣青蓮鄉昌明今之彰明也讀書縣南之匡山鄭谷送人入蜀詩雪下文

謝朓詩寒城一以眺平楚正蒼然楚叢木也登高望遠見木杪如平地故云云即詩所謂平林也

宰我子賤

史記宰我為齊相作亂夷其宗韓非難言篇宰予不免于田常又云宓子賤西門豹不闢而死八手則二君亦不良死

百獸羈

唐中宗朝安樂公主令尚方採一百獸毛爲韉  
視之各見本獸形

張去疾

荀子韓之張去疾篡臣也按去疾乃張良之祖  
然則去疾亂韓而良爲韓克蓋前愆者也

不夜城

齊地記云不夜城在陽廷東南古有日夜出此  
城以不夜名異之也按班史云有如日夜出此

城是時城方成耳

潤家錢

南溪地狹力弱州縣時會僚屬不設席而分饋  
阿堵號潤家錢

吳鈞

吳人殺二子釁成一鈞二子名吳鴻扈稽

四皓

東園公姓唐名秉字宣明綺里季姓吳名寶字

子景夏黃公姓崔名廣字少通用里先生姓周  
名術字元道隱商洛山爲四皓

楊秉

楊秉震中子官太尉有直聲性不飲酒早喪夫  
人不復娶所在以廉稱秉嘗曰我有三不惑酒  
色財也震畏四知秉去三惑亦楊氏佳對

鱷魚

鱷魚四足黃身修尾其形如鼉舉止趨疾日佳

鋸齒往往爲人害鹿行崖山羣鱷鳴吼鹿必怖  
懼落崖爲鱷所得

水梭花

僧家謂魚爲水梭花

朱絲欄

李白嘗召入賦宮體詩不筆醉甚上令宮人張  
朱絲以欄

記里鼓

記里鼓宋書不著作劉宋高祖平姚泓所得每  
一里木人擊鼓一槌

龍領髯所織

李羸遇神女遺以疋素云蛟須所織後胡人以  
三百萬易之曰此龍領髯所織三十小劫方斷  
一綜

駟馬

車二馬為頤三馬為駟四馬為駟

槓鼓

鼓三百三十三槌為一通鼓止角動十二聲為  
一疊昏鼓四通為大蚤夜半三通為晨戒旦明  
三通為發昉

運斤

木匠總號運斤之執又曰手貨手民

韋綬

韋綬官翰林學士德宗嘗幸其院綬方寢學士

鄭綱欲馳告之上不許時適天寒以從妃蜀纈袍覆之而去其寵渥如此

外色

太康以後人顯外色至多怨女五行占以為災漢哀幾于禪位符主竟成敵國季龍為之殺妻僧達遂將阮姪

百里洲

梁史陸法和有異術隱百里洲舊傳枝江縣有

九十九洲不滿百故不出王者宋文帝在藩忽生一洲未幾嗣位

海棠香國

海棠故無香獨昌地產者香故號海棠香國有

香霏亭

勿報小紙書

何曾性奢豪人以小紙為書勅記室勿報

執金吾

書卷一  
執金吾鳥名主辟不祥故以名官辟除非類

洞庭漁人

卓彥恭嘗過洞庭月下有漁舟棹其旁卓問有  
魚否荅曰無魚有詩乃鼓枻而歌曰八十滄浪  
一老翁蘆花江水碧連空世間多少乘除事良  
夜月明收釣筒問其姓氏不荅

侵牟

侵牟言如牟賊之食苗也

三泉

結恨三泉三泉者小數之終言深也極深為九  
泉

果下馬

濊國出果下馬高三尺乘之可以果樹下行

要害

要害于我為要于敵為害

祈嗣

蜀江津有天水池邑人春月遊此競于池中摸石所嗣得石者生男得瓦者生女頗驗故知毛詩弄瓦事非誣也

晁文元

晁文元公晚年常自見其形在前既久漸小八十後每在眉睫之間

酒海

符監拔襄陽獲道安安貌俛而姿黑喜談論故

諺漆道人驚四隣左臂有肉方寸隆起如印世號酒海

壓弧箕服

壓弧山桑之有文者以為弓也箕服草似荻而細織之以盛箭也

書蕉下卷

華亭 陳繼儒 撰

梁蕭思話

思話少好騎屋棟打腰鼓晚好讀書學書於羊  
欣名不在欣下少子惠基善隸

不動尊

宣武劉錢民也鑄鍤為算子其子薄遊娼家妓  
求釵奩劉辭之姥曰郎君家庫裡許多青銅教



書齋  
卷下  
做不動尊可惜爛了風流拋散能使幾何劉子  
云我爺喚算子作長生鐵况錢乎彼日夜燒香  
禱祝要錢生兒絹生孫金銀千萬億化身豈止  
不動尊而已

與霹靂鬪

師孤延少驍果嘗從神武閱馬於北牧道逢暴  
雨大雷震地火燒浮圖神武命延視之延案稍  
直前大呼繞浮圖走火遂滅延還鬚及馬鬣屋

皆焦神武歎其勇決曰延乃能與霹靂鬪之北  
史

筇竹杖

筇竹杖蜀中無之乃出徼外蠻峒蠻人持至瀘  
叙間賣之一枝纔四五錢以堅潤細瘦九節而  
直者為上品

班竹杖

陸務觀云拄杖班竹為上竹欲老瘦而堅勁班

欲微赤而黝疎賈長江詩云揀得林中最細枝  
結根石上長身遲莫嫌滴瀝經班少恰是湘妃  
淚盡時善言拄杖者也然非予有此癖亦未易  
賞音

畫記

東坡不喜韓退之回記謂之甲乙帳簿此老子  
古卓識不隨人觀易者也

蕭結

蕭結嘗令祁陽方暮春時有州符下取急渡船  
結怒批其符曰秧開五葉蠶長三眠人皆忙迫  
划甚閒船守慚而止其風力如此

管子注

管子舊有注翻刻者刪去之而不知有不可去  
者試舉一二于此韃革重革當心着之所以禦  
兵小匡 緝晚古袞冕字君臣 城中積糧曰無委  
事語 鮑古鵠字獵而火曰燒去聲 銖時橘 長銳

也。同。崢丘卽葵丘。

珠子樹

熊太古在廣時立珠子提舉司專掌蟹人入海取珠得珠子樹數擔置憲司公廳衆人聚觀如柳枝珠生於蛛蛛生于樹不可上下樹生於石蟹人鑿石得樹樹上求蛛采珠甚多蟹人不懼可爲異也

謙

謙之卦曰君子有終詰其久也謙之道象人不能久而君子能終之也夫少事長賤事貴不肖之事賢燭至起食至起射則三揖酒則百拜誰不知之一臨利害巧爲趨避語曰飢馬在廐漠然無聲投芻其傍爭心乃生由是言之小人烏能謙哉故張毅之走縣泊王莽之下白屋一則謙之美一則謙之賊也何終之有

文字

程去華云精一執中無俟皇極之煩言欽恤兩字何至呂刑之騰口世變不同而文字之繁簡因之孔子曰夏道未瀆詞推而言之則殷周之詞已瀆矣韓退之云周公而下其說長

義帝

樂器圖有義嘴笛謂笛上別安嘴也深衣圖有義欄謂衣外別安欄也唐人稱假髻曰義髻又妓女彈箏銀甲曰義甲東坡義尊義墨蓋本于

此張魯據漢中以鬼道教民自號師君其來學道者號祭酒皆作義舍置義米肉懸之行路

跳出

魏晉儀注寫章表別起行頭者謂之跳出今日擡頭

四季荷花

清水池在儋州城東其中四季荷花不絕臘月尤盛

亥子之交

亥子之交兩鼻俱通丹家謂玉洞雙開是也此處不得放過

泥孩兒

宋時鄜州田氏作泥孩兒名天下態度無窮雖京師工效莫之能及陸務觀家藏一對臥者有一小字云鄜時田玘製虞學士伯生亦有記言其精絕今古

龐安常

龐安常名安時蘄水人宋神哲間名醫也於書無所不讀而尤精於傷寒妙得長沙遺旨性豪侈每應人延請必駕四巨舟一聲伎一厨傳一賓客一雜色工藝之人日費不貲

昆號

昆號好馬名注蹄研善升甌研平也甌山如甌者也

弓隆執明

甲子神名弓隆呼之入水不濡甲戌神名執明呼之入火不燒

琵琶峰

琵琶峰與蜀江相對形似琵琶比鄉婦女多曉音律

壽逸羣

嵩山神姓壽名逸羣呼之令人不病

黃腰獸

黃巢亂有太白山人謁州刺史崔堯封云掘破牛山賊自敗崔遂發卒掘之得一石桶中有黃腰獸一劔一獸見劔自撲而死巢至秋果敗一

大劫

十方三世所有一切世界皆悉具四種相劫謂成住壞空成而即住住而續壞壞而復空空而又成連環無端都將成住壞空八十轉輪結算

書卷下  
一十三萬四千四百萬年為始終之極數所為  
一大劫也

山水

陸儼山云登山涉水之間專事賦詩則反礙真  
樂葉石林記陳后山每登覽得句即急歸臥一  
榻於被蒙首家人知之即猶犬皆逐去嬰兒稚  
子亦皆抱持寄鄰家徐待其起就筆硯即詩已  
成乃敢復常大是為詩所苦大抵江山既勝風

日又佳從以良朋韻士便當極躋攀眺望之興  
罷從燈下或月夕追憶所遇歷歷在目然後發  
之詩文庶幾各極其愜而無累矣

溫公

資治通鑑草雖數百卷顛倒塗抹訖無一字作  
草具行已之度蓋如此

秦結了

蜀叙州有鳥名秦結了能言一日夷人買去秦

結了曰我漢禽不入夷地遂驚死

面縛

史記宋世家武王克商微子肉袒面縛左牽羊  
右把茅然則微子有四手乎不然何以既面縛  
而又有牽羊把茅之手乎史云微子抱祭器歸  
周又豈待周師至而後面縛乎究言之抱祭器  
歸周亦必無之事劉敞曰古者同姓雖危不去  
國論云去之者去紂都也斯仁耳

花九錫

羅虬作花九錫一曰重頂幄障風二金錯刀剪  
折三甘泉浸四玉缸貯五雕文臺安置六書畫  
寫七艷曲翻八美醕賞九新詩詠且曰亦須蘭  
蕙梅蓮乃可披襟若芙蓉躑躅水仙石榴之類  
何錫之有虬爲鄜州從事作比紅詩百

盤古氏

九域志謂廣陵有盤古冢述異記謂南海有盤



古冢亘三百餘里錄異記謂成都盤古廟有三郎之名荆風土記謂十月十六日爲盤古生辰可古冬時之陰霽湘卿有盤古村贛之會昌有盤古山或以湘贛爲盤古氏顯化之所

### 黃撥沙

閩越黃撥沙善視墓畫地爲圖卽知休咎因號黃撥沙婺人有世患左目者問之曰祖墳木根傷葬者左目發墓果然山之卽愈

### ○養花天

越中牡丹開多有輕陰微雨謂之養花天詩云野水短蕪調馬地淡雲微雨養花天

### 耗磨日

正月十六謂之耗磨日張說詩云磨耗傳茲日縱橫道未宣

### ○三澣

俗以上澣中澣下澣爲上中下三旬蓋本唐制

十日一休沐而今猶襲之也

張李詩辨

張子容海氣朝成雨江天晚作霞李嘉祐朝霞時作雨濕氣晚生寒二詩語極相似而盛唐中唐分焉

瓜芋

洪邁老圃賦云織女濯而瓜蘆失昂中而芋食春秋元命苞云織女星主瓜果孝經援神契云

仲冬昂星中收芋莖正用此二事

調水符

盤屋有玉女洞飛恐是泉甘冽蘇子瞻過此汲兩瓶去恐後復取為從者所給乃破竹作券使寺僧藏之以為往來之信戲曰調水符

君主

史記年表秦始皇以君主妻河君之女曰君主猶公主也妻河沉河水即河伯娶妻故事蓋戎俗

也呂東萊作大事不達君主之義改主爲生失  
之遠矣

遵題格

牛嶠楊柳枝詞吳王宮裏色偏深一簇烟條萬  
縷金不忿錢唐蘇小小引郎松下結同心按古  
樂府小小歌有云妾乘油壁車郎乘青驄馬何  
處結同心西陵松柏下牛詩用此意詠柳而貶  
松唐人所謂遵題格也後人改松作枝語意

然矣

李吉甫

德宗以來姑息藩鎮有終身不易地者吉甫爲  
相歲餘凡易三十六鎮殿最分明

成均

古無韻字均卽韻也五帝之學曰成均亦音韻  
周人立太學兼五帝二代之名東學爲東序西  
學爲瞽宗北學爲上庠南學爲成均鷓冠子五

音不同均可喜一也均古韻字

須女

天文有織女主貴女須女主賤女貴則嫡也賤則諸侯之副宮九媵大夫之側室三歸也妾之于禮久矣有媵而妾者有卜而妾者卜而妾者聞命而趨不待六禮故謂之奔

歛

許金爾雅歛與也周禮笙師職云大喪歛其

樂器蓋謂陳而不作之義也獨孤及墓銘歛衣楚挽徘徊墓田

明駝

木蘭詞願借明駝千里足送兒還故鄉或改明作鳴謬也按駝臥腹不帖地屈足漏明則走千里故曰明駝唐制驛有駝使非邊塞軍機不得擅發楊妃私發明駝賜祿山荔枝

華巖洞

靈川縣西南二十里高數仞可容數榻泉繞洞前又名華巖洞世傳昔有桃花片濶寸許從洞中流出石壁有詩巖前流水無人渡洞口碧桃花正開東望蓬萊三萬里等閑歸去等閑來

博物

管子知俞兒卑耳東方朔知畢左獨足劉向知貳負上郡山中諸葛恪知侯囊山精如陸敬叔知彭侯黑狗無尾張華知銅澡盤晨夕鳴與洛又知仲宮鍾相應

然石以水灌之便熱陸澄識服匿單于賜蘇武酒器

汶南

汶南無鸚鵡江南無狐粵無馬虎廬山人見駝以為山精潤州人見蠍以為主簿

棗昏

宋人書啓自叙云性本棗昏質惟木訥按范蔚宗和香方云棗膏昏蒙甲煎淺俗

鄉里

書林 卷下 三十一  
俗語有鄉里夫妻步步相隨言鄉不離里如夫  
不離妻也古人稱妻曰鄉里沈約山陰柳家女  
詩曰還家問鄉里詎堪持作夫南史張彪傳曰  
我不忍令鄉里落他處

橘黃

唐李伯珍與醫帖云白金一挺奉備橘黃之需  
始不曉所謂及觀續世說有枇杷黃醫者忙橘  
子黃醫者藏乃知時使然耳

夢命

癡人前不可說夢達人前不可言命宋人就月  
錄以爲陶淵明語不知何據

買石碑

唐鄭璠在嶺南象江得恠石紺水去而平理彈  
之有好聲輦歸榮陽費錢六十萬宋榮咨道嘗  
以錢三百萬買虞世南夫子廟初刻碑或談此  
二事有應聲曰這兩箇痴人好一棒打殺何不

買百弓上水田九品入流官平

空桑

人知伊尹生于空桑按春秋孔演圖孔子亦生于空桑

寵禮

宋君崇禮儒臣過于漢唐正史所遺有二其一真宗臨楊礪之喪降輦步吊重其清介也其一富弼母卒仁宗為之罷春宴雖三代令主不過

此也其後徽宗之待蔡京王黼南宋之待秦檜侂冑似道恩禮倍此然前之如蕩子之交狎客後之則如弱主之畏豪奴書之秬辱耳

容頭過身

漢書虞詡疏公卿異儒容頭過身按猫犬鑽穴頭可容身即過矣詡蓋以猫犬喻之也

鹿

胡居士云鹿性驚烈多別良草恒食九物餘則

不嘗羣處必依山岡產歸下澤享神用其肉者以其性烈清淨故也凡餌藥者勿食鹿肉服藥必不得力以鹿嘗啖解毒之草是故能制毒散諸藥也九草者葛葉及花鹿蔥鹿藥白蒿水芹甘草齊頭蒿山耳薺茺

結鬚

江西鉛山縣三濟山俗傳晉李尚書與葛洪修煉時尚書結鬚渡此岩因名

六雀堂

蔡京賜第有六鶴堂高四丈九尺人行其下墮之如蟻

極廟

秦始皇更命信宮為極廟注為宮廟象天極故曰極廟

馳道

始皇紀賜爵一級治馳道應邵曰天子馳道也



漢壽

漢壽本蜀郡縣名雲長初為漢壽亭侯即亭長也後人不讀書遂以為漢之壽亭侯不知壽義何據可笑殊甚

芙蓉香

宋元嘉六年賈道子行荆上明見芙蓉方發聊取還家聞華有聲怪尋得一舍利白如真珠熠照梁棟敬之擊以箱案懸于屋壁

花妖

宣和七年牡丹皆開作金色又變黑色柳皆生黃花大如林檎靖康元年梨樹生豆筴木香架生蒲桃可食又王殿直家籠中貯松花及起籠之際每一片中雪白小松一小株又寶籙宮前柱忽生松一枝童貫轎中木板上生雜草斫剗復生

盆水如畫

紹興七年建康府寓旅家盆水有紋如畫住卉  
茂木華葉敷芬數日易以他水愈出愈奇盡春  
暄乃止

化盆

世本云化盆作井宋衷曰化盆伯益也荀子成  
相篇傳禹平天下躬親為民行勞苦得益臯陶  
橫革直成爲輔呂氏春秋云得隰化益真成橫  
革之交五人爲位化自作名真月自直成也

駿狼冬至

郭璞客傲云青陽之翠秀龍豹之委穎駿狼之  
長暉玄陸之短景言著生于微盛生于衰也駿  
狼長暉言冬至之日也淮南子冬至日在駿狼  
山余不可曉

潮

寰宇記瓊州潮候不同凡江浙欽廉之潮皆有  
定候瓊海之潮半月東流半月西流潮之大小

隨長短星不係月之盛衰此又不可曉也然則曆家之著長短星蓋海中占潮候也謬者乃以爲交易裁衣之用可笑

左擔

杜少陵愁坐詩云葭萌氏種迥左擔犬羊屯葭萌左擔皆地名葭萌人皆知之左擔解者俱不得其詳太平御覽引李充蜀云蜀山自綿谷葭明道徑險窄北來擔負者不容易肩謂之左擔

權務音權

栢人城東北有一孤山闕駟十三州志以爲舜納于大麓卽此山也城西有碑漢桓帝時徐整所立銘曰上有權務山王喬所仙收爲莊嚴寺碑權務之精卽用此事

華不注

左傳成公二年晉卻克戰于鞏師敗績逐之三

周華不注言此山孤秀如華跗之注于水其說甚異而有徵九域志云大明湖望華不注山如在水中

邦

呼奴為邦者蓋僮僕未冠曰豎東魏高歡諱樹因以奴為邦義取邦君樹塞門句

山名

崑崙一名崑岑君山一名媧宮武當一名紫嶺

普陀一名梅岑青城山一名天谷大復山一名胎簪衡山一名芝岡東海一名岱淵

律召調陽

智永居長安西明寺寫真草千字文八百本律召調陽為真本也俗稱律呂為誤蓋以草聖召字似呂字其義以閏餘對律召耳

殿試

武后載初元年二月策問貢人于洛城殿數目

方了殿前試人自此始長慶二年太后自製臣  
軌兩篇

胡苑

張良對高祖言長安形勝曰南有巴蜀之饒北  
有胡苑之利史漢書多不解胡苑之義按胡人  
歌曰失我燕支山婦女無顏色失我祈連山六  
畜不蕃息所謂胡苑之利當是此義

劉錡善射

劉錡善射水解滿以箭射拔箭水注隨以一矢  
室之人服其精

四和香

山林窮居四和香以荔枝殼甘蔗滓乾栢葉黃  
連和焚又加松毬棗核梨核皆妙

功德水

佛經大仙徂界有池隨月增減其水有八功德  
一清二冷三香四柔五甘六淨七不噎八除病

西山有寺名安德正取此義作記者以神功至德敷行可笑

知風草

南海有草叢生如藤蔓土人視其節以占一歲之風每一節則一風無節則無風名曰知風草

函

賈誼新書大禹鬢河而導之九牧呂氏春秋禹身執纛函以為民先剔河而導九岐鬢本髮名

義取環曲剔本梳剔義取疏通函即插字

塗林

陸機與弟書張騫為漢使外國十八年得塗林塗林安石榴也

漢隸

漢隸歲久風雨剝蝕其字無復鋒鉞宋杜仲微乃故用秃筆作隸自謂得漢刻遺法豈其然乎

王宴

王宴爲員外郎父普曜齋前栢樹忽成梧桐論者以爲梧桐雖有棲鳳之美而失後凋之節宴後果不能終

忠州木蓮

白樂天有忠州木蓮詩予遊臨邛白鶴山寺佛殿前有兩株其高數丈葉堅厚如桂以中夏發花狀如芙蓉香亦酷似寺僧云花折時有聲如破竹然一郡止此二株不知何自至也成都多

奇花亦未嘗見世有木芙蓉而不知有木蓮花也

龍鍾竹

羅浮山第三十一嶺半是巨竹皆七八圍長一二丈

枝官

書曰尸位詩曰素飡商君謂之荒飽吳起謂之枝官吏云冗食又云游手蠹蝗蚤賊不在下矣

草木

鐵馬鞭長慶二年義成君節度使曹華進獻且  
曰得之汴水有字刻云貞觀四年尉遲敬德字  
尚狂

聒帳

太宗嘗謂侍臣曰後唐莊宗湛飲以鄭聲與胡  
部合奏謂之聒帳息昏達旦不悉

勾漏洞

容州有勾漏洞天四面石山圍繞其中平野數  
里洞在平地不煩登陟外畧敞豁中一暗溪穿  
入因同北流令結小桴秉燭坐其上命篙師撐  
入詰屈而行水清無底兩岸石如虎豹獠獮森  
然欲轉行一里許仰見一大星炯然細視乃石  
穿一孔透天光洞對面高崖上夏間望見荷葉  
田田然峻絕不可到土人云或見荷花則歲必  
大



八芳草

宋良嶽八芳草曰金蛾曰玉蟬曰虎耳曰鳳尾  
曰素馨曰渠那曰茉莉曰含笑

三葉

呂氏春秋任地篇孟夏之昔殺三葉而獲大麥  
三葉薺也薺薺也薺薺也見三葉之死則大  
麥可獲之候

桐知正閏

桐知日月正閏生十二葉邊有六葉從下數一  
葉為一月閏則十三葉小者即知閏何月也不  
生則九州異君

月昔

月昔靡草死按呂氏春秋孟夏之昔注昔終也

地犬

晉元康中吳郡婁縣懷瑤家忽聞地中有犬子  
聲掘視之得犬子雌雄各一目猶未開形大于

常大也哺之而食左右咸往觀焉長老或云此  
名犀犬得之者令家富昌大興中吳郡府舍中  
又得二枚物如初尸子曰地中有犬名曰地狼  
有人名曰無傷夏鼎志曰掘地而得狗名曰賈  
掘地而得豚名曰邪掘地而得人名曰聚聚無  
傷也

奇偶

天地之數始于一終於十聖人虛二以畫八卦

八者偶之方也虛一以叙九疇九者奇之圓也  
卦以偶爲用故有應則吉疇以奇爲用故有對  
則凶

六庚

太公陰謀曰六庚爲白獸在上爲客星在下爲  
害氣

竹枝詞

元楊廉夫竹枝詞和者五十餘人予獨愛徐延

一首云盡說盧家好莫愁不知天上有牽牛  
拋萬斛臘脂水溜向銀河一色秋

魚米

唐田澄蜀城詩地富魚為米山芳桂是樵俗名  
沃土為魚米之地

白題滑

梁天監時西北遠邊有白題及滑國遣使由岷  
山道入貢二國歷代弗賓莫知所出裴子野曰

漢穎陰侯斬胡白題將一人服虔注云白題胡  
名也又漢定遠侯擊虜入滑此其後乎時服其  
博識

三羅

晚唐江東三羅隱虬鄴也鄴詩如閨怨云夢斷  
南牕啼曉鳥新霜昨夜下庭梧不知簾外如珪  
月還照邊庭到曉無南行云臘晴江暖鷓鴣飛  
梅雪香沾越女衣魚市酒村相識徧短船歌月

醉方歸二詩隱虬不及也

牽絲

謝靈運詩牽絲及元興解龜在景平李善注牽絲初任也解龜去任也

